

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ  
ԵՐԵՎԱՆ ՔԱՂԱՔԻ ԱՎԱԳԱՆԻ**

«---» ----- 2016թ.

N-----Ա

**ՈՐՈՇՈՒՄ**

**ՍՈՒՐԵՆ ԵՐԵՄՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ  
ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ**

Հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝

**Երևան քաղաքի ավագանին որոշում է.**

Տալ համաձայնություն ականավոր պատմաբան, ակադեմիկոս և քարտեզագիր Սուրեն Երեմյանի հիշատակը հավերժացնող հուշատախտակը Բաղրամյան պողոտա հ. 50<sup>ա</sup> հասցեում փակցնելու համար:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**

## ՏԵՂԵԿԱՆՔ – ՀԻՄՆԱՎՈՐՈՒՄ

### «ՍՈՒՐԵՆ ԵՐԵՄՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱՂՐՄԱՆ ՄԱՍԻՆ» ԵՐԵՎԱՆԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԱՆՀՐԱԺԵՇՏՈՒԹՅԱՆ ՎԵՐԱԲԵՐՅԱԼ

Ականավոր պատմաբան, ակադեմիկոս և քարտեզագիր Սուրեն Երեմյանը ծնվել է 1908թ. ապրիլի 11-ին Թբիլիսիում: 1931թ. ավարտել է Երևանի պետական համալսարանի պատմատնտեսագիտական ֆակուլտետը:

1935-1941թթ. Սուրեն Երեմյանը եղել է Խորհրդային միության գիտությունների ակադեմիայի արևելագիտության ինստիտուտի Լենինգրադի բաժանմունքի գիտաշխատող, 1941-1953թթ.՝ Խորհրդային Հայաստանի գիտությունների ակադեմիայի մշակույթի պատմության ինստիտուտի գիտաշխատող, 1953-1958թթ.՝ Խորհրդային Հայաստանի գիտությունների ակադեմիայի պատմության ինստիտուտի տնօրեն, 1971-1992թթ.՝ Խորհրդային Հայաստանի գիտությունների ակադեմիայի հին պատմության բաժնի վարիչ:

1953թ. Սուրեն Երեմյանին շնորհվել է պատմական գիտությունների դոկտորի գիտական աստիճան, 1955թ.՝ պատմական գիտությունների պրոֆեսորի կոչում:

1953թ. նա եղել է Խորհրդային Հայաստանի գիտությունների ակադեմիայի թղթակից անդամ, 1963թ.՝ Խորհրդային Հայաստանի գիտությունների ակադեմիայի ակադեմիկոս:

Հիմնական աշխատությունները վերաբերում են հայ ժողովրդի կազմավորման և հին Հայաստանի պետական կազմավորումների պատմության հարցերին, հին և միջնադարյան Հայաստանի սոցիալ-տնտեսական և քաղաքական պատմությանը, կովկասագիտությանը, Հայաստանի, Կովկասի և Առաջավոր Ասիայի պատմական աշխարհագրությանը: Կազմել է Հայաստանի պատմական քարտեզներ:

Սուրեն Երեմյանը պարգևատրվել է Հոկտեմբերյան հեղափոխության, «Պատվո նշան» և Աշխատանքային Կարմիր դրոշի շքանշաններով, արժանացել է Հայկական ԽՍՀ գիտության վաստակավոր գործչի կոչմանը:

Սուրեն Երեմյանը մահացել է 1992թ. Երևանում:

Ականավոր պատմաբան, ակադեմիկոս և քարտեզագիր Սուրեն Երեմյանի հիշատակը հավերժացնող հուշատախտակը Բաղրամյան պողոտա հ. 50<sup>ա</sup> հասցեում փակցնելու վերաբերյալ միջնորդություն է ներկայացվել ՀՀ ԳԱԱ պատմության ինստիտուտի տնօրեն Ա. Մելքոնյանի կողմից:

Հաշվի առնելով վերոգրյալը և հիմք ընդունելով Հայաստանի Հանրապետության կառավարության 1999 թվականի օգոստոսի 31-ի «Հայաստանի Հանրապետությունում պետական և հասարակական նշանավոր գործիչներին նվիրված հուշարձանների իրականացման կարգը հաստատելու մասին» N 551 որոշմամբ հաստատված կարգի 2-րդ կետը՝ Երևան քաղաքի ավագանու քննարկմանն է ներկայացվում սույն որոշման նախագիծը:

ԵՐԵՎԱՆԻ ՔԱՂԱՔԱՊԵՏ

Տ. ՄԱՐԳԱՐՅԱՆ

## **ՏԵՂԵԿԱՆՔ**

**«ՍՈՒՐԵՆ ԵՐԵՄՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԵՐԵՎԱՆԻ ԲՅՈՒՋԵՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Սուրեն Երեմյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ Երևանի բյուջեում լրացումներ և/ կամ փոփոխություններ կատարելու անհրաժեշտություն չի առաջանում:

## **ՏԵՂԵԿԱՆՔ**

**«ՍՈՒՐԵՆ ԵՐԵՄՅԱՆԻ ՀԻՇԱՏԱԿԸ ՀԱՎԵՐԺԱՑՆՈՂ ՀՈՒՇԱՏԱԽՏԱԿԻ ՏԵՂԱԴՐՄԱՆ ՄԱՍԻՆ» ԵՐԵՎԱՆ ՔԱՂԱՔԻ ԱՎԱԳԱՆՈՒ ՈՐՈՇՄԱՆ ԸՆԴՈՒՆՄԱՆ ԿԱՊԱԿՑՈՒԹՅԱՄԲ ԱՅԼ ԻՐԱՎԱԿԱՆ ԱԿՏԵՐՈՒՄ ԼՐԱՑՈՒՄՆԵՐ ԵՎ/ ԿԱՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

«Սուրեն Երեմյանի հիշատակը հավերժացնող հուշատախտակի տեղադրման մասին» որոշման նախագծի ընդունման կապակցությամբ այլ իրավական ակտերում լրացումներ և/ կամ փոփոխություններ կատարելու անհրաժեշտություն չի առաջանում:

**ԵՐԵՎԱՆԻ ՔԱՂԱՔԱՊԵՏ**

**Տ. ՄԱՐԳԱՐՅԱՆ**